

Գ Լ ՈՒ Խ 32Ա.

Ո՛չ ոք ունիցի իշխանութիւն հարկանել կանաց բայց յիշխանք համեմատութեան վճռոյ դատաստանի վասն գործոց ձեռաց մեղաց նոցայ, և այրն ամուսնացեալ կնոջ 'ի տեղի փափուկ մսոյ, և զգուշութեամբ զի մի վիրաւորեսցի և կամ խորտակեսցի ոսկերս կնոջ իւրոյ, մինչև երկոտասան դամչի:

Գ Լ ՈՒ Խ 32Բ.

Ամենայն ուսուցիչք դստերաց նախ ջանասցեն ուսուցանել աշակերտքս իւրեանց ամօթխածութեամբ, և պատիժն նոցա միայն արգելուլ 'ի շարժմանէ (այս քան) ժամ ըստ արժանոյ մեղաց նորա, այլ եթէ գտցի դուստր ոմն բնութեամբ գոռոզ զի հարկեսցի սաստել գանիւք նմայ վարպետ սորայ կարող է գան հարկանել նմա ձեռամբ կանանց դամչաւ մինչև ինն դամչի ըստ արժանաւորութեան մեղաց և ըստ կարեաց անդամոյն մեղաւորի զգոյշ լինիլ զի մի վիրաւորեսցի, յատկապէս պատկերն նորայ, և մի փշրեսցի ոսկերս և մի մտցէ 'ի սիրտ նորայ յերկիւղ անփարատելի զի զրկեսցի նմա 'ի ծնանելոյ: